


三十三冊

卷之二十八

春明逸史四

林下筆記







林下集卷之二十八

春明遊記目錄

年號存攷

皇明御註

皇明御註

皇明御註

皇明御註

皇明御註

皇明御註

皇明御註







林下筆記卷之二十八

春明逸史目錄

四

年號存改

皇明御諱

皇明徽號

魯監國

清諱

馬州爵號

闕異端

琉球漂人



琉球太子詩

壬申回還使臣

貴達馬劣

竹所虛文

穎樵惜卻亭

互當問備

上天造化

跂及福相

進退酬酌

內局紅卷



相筮座目

大臣初出仕節次

館僮知例

翰院許參

文臣捕將

文臣訓正

柳相戲言

趙生觀相

升沉有定

海東樂府



宿景陵齋室

仙樓名句

常棣恩會

宣堂壯麗

神室有聲

古松復生

養研山房

達人自銘

訥齋自銘

怪事添一



士流諸公

祁堂主文

大臣攝刳

軍中拜將

閣吏古例

固辭美謚

儀仗相似

大明象

丹鳳吐詔

燕窩無味



花糕

鄭幕手才

海帶

蔓菁

煙草始末

雨前茶

承旨式暇

文臣將任

山林疏例

恭下文魚



宣傳官廳煙臺

太僕提舉

進講召對

問備携貳

廟官門將

寧越神堂

畫像見失

記大明會

明末島

鹿麇之辨



批文衡文

觀禮為私

大官易病

賓廳戲談

產室排設

三世產室舉行

懸草門

海馬石燕

懸鈴之辨

御真洗綃



桐漁廢事

石中玉盃

奢侈不同

趙東海才速

其人貢名

倉糴加耗

漂人措處

東國奉佛之始

洋人潛法

日月食



外國天文人入中國之始

日曆

夫婦同命

入閣月日同符故相

清國科獄案

宣和牌

座主門生

熟習難變

元老遊覽

益齋先生中



折風巾說

文武服色

笏記

談東人被裘

婦人服

上御軍服

笠纓有辨

纓綏之制

中官牌綬

靴子變通



武官吊例

遼東伯辨

題主字数

謹守制度

取舍各異

拱手得辨

海量會酌

洪淵泉不飲補愧

燕京奇花

南中棕櫚



小娃可怪

朋友相信

不留書札

五色墨官

善韜晦

福相先知其後

見詩擇婿

前後相倒

百梅堂事蹟

紅蓼之始



軟薑正果



林下筆記卷之二十八

月城李裕元景春輯

春明逸史

年號荐改

建元有號肇自漢武而歷代遵用或有一改者或有  
屢改者皇明太祖掃除前習始以一號用於在位之  
間惟英宗皇帝北狩復辟故至建二號是變例也清  
國因明制亦用一號咸豐帝崩新皇登極年號頒以  
祺祥未幾改頒同治其例違矣有事改元古雖有之  
建極初荐改未之前聞也抑同治義似順治也



皇明御諱

高皇帝洪武朱氏諱元璋字國瑞惠宗建文諱允炆  
太宗永樂諱棣仁宗洪熙諱高熾宣宗宣德諱瞻基  
英宗正統天順諱祁鉉憲宗成化諱見濡孝宗弘治  
諱祐橈武宗正德諱厚照世宗嘉靖諱厚燠穆宗隆  
慶諱載坫神宗萬曆諱翊鈞光宗泰昌諱常洛章宗  
改以熹宗天啓諱由校毅宗崇禎諱由檢南遷赧帝  
弘光諱由崧思文帝隆武諱聿鍵永曆帝諱由榔

皇明徽號

太祖開天行道肇紀立極大聖至神仁文義武峻德



成功高皇帝后孝慈貞化哲順仁徽成天育聖至德  
高皇后馬氏 惠宗讓皇帝后馬氏 成祖啓天弘  
道高明肇運聖武神功純仁至孝文皇帝后仁孝慈  
懿誠明莊獻配天齊聖文皇后徐氏 仁宗敬天體  
道純誠至德弘文欽武章聖達孝昭皇帝后誠孝恭  
肅明德弘仁順天啓聖昭皇后張氏 宣宗憲天崇  
道英明神聖欽天昭武寬仁純孝章皇帝后恭讓誠  
順康穆靜慈章皇后胡氏 繼后孝恭懿憲慈仁莊烈  
齊天配聖章皇后孫氏 英宗法天立道仁明誠敬  
昭文憲武至德廣孝睿皇帝后孝莊獻穆弘惠顯仁



恭天欽聖睿皇后錢氏后孝肅貞順康懿光烈輔天

承聖睿皇后周氏 代宗恭仁康定景皇帝后貞惠

安和景皇后汪氏繼后肅孝皇后杭氏 憲宗繼天

凝道誠明仁敬崇文肅武宏德聖孝純皇帝繼后孝

貞莊懿恭靖仁慈欽天輔聖純皇后王氏后孝穆慈

慧恭恪莊僖崇天承聖純皇后紀氏后孝惠康肅溫

仁懿順協天祐聖皇太后邵氏 孝宗達天明道純

誠中正聖文神武至仁大德敬皇帝后孝康靖肅莊

慈哲懿翊天贊聖敬皇后張氏 武宗承天達道英

肅睿哲昭德顯功弘文思孝毅皇帝后孝靜莊惠安



肅溫誠順天偕聖毅皇后夏氏 世宗欽天履道英  
毅神聖宣文廣武洪仁大孝肅皇帝后孝潔恭懿慈  
睿安莊相天翊聖肅皇后陳氏繼后孝烈端順敏惠  
恭誠祇天衛聖皇后方氏后孝恪淵純慈懿恭順替  
天開聖皇太后杜氏 穆宗契天隆道淵懿寬仁顯  
文光武純德弘孝莊皇帝后孝懿貞惠順哲恭仁儷  
天襄聖莊皇后李氏后孝安貞懿恭順溫惠佐天弘  
聖皇后陳氏后孝定貞純欽仁端肅弼天祚聖皇太  
后李氏 神宗範天合道哲肅敦簡光文章武安仁  
止孝顯皇帝后孝端貞恪莊惠仁明媿天毓聖顯皇



后王氏后孝靖溫懿敬讓貞慈恭天允聖皇太后王  
氏 光宗崇天啓道英睿恭純憲文景武淵仁懿孝  
貞皇帝后孝元昭懿哲惠莊仁合天弼聖貞皇后郭  
氏后孝和恭獻溫穆徽慈諧天鞠聖皇太后王氏后  
孝純恭懿淑穆莊靜毗天毓聖皇太后劉氏 熹宗  
達天闡道敦孝篤友章文襄武靖穆莊勤哲皇帝后  
懿安皇后張氏 毅宗紹天繹道剛明恪儉撰文奮  
武敦仁懋孝烈皇帝后孝節皇后周氏 弘光皇帝  
隆武皇帝后曾氏 永曆皇帝后王氏

魯監國



靖江王 紹武帝 德祖元皇帝 懿祖恒皇帝  
熙祖裕皇帝后王氏 仁祖淳皇帝后淳皇后陳氏  
興宗孝康皇帝后孝康皇后常氏 繼妃呂氏 睿  
宗知天守道洪德淵仁寬穆純聖恭儉敬文獻皇帝  
后孝慈貞順仁敬誠一安天誕聖獻皇后蔣氏

清諱

世祖章皇帝順治諱福臨聖祖仁皇帝康熙諱玄燁  
世宗憲皇帝雍正諱胤禛高宗純皇帝乾隆諱弘曆  
仁宗睿皇帝嘉慶諱顒琰宣宗成皇帝道光諱旻寧  
文宗顯皇帝咸豐諱奕訢同治諱載淳



馬州爵號

倭國自唐廣明年間有取謂閑伯者出揔斷事務倭皇徒擁虛器如是相傳已為千年近間倭差出來自言渠國今廢閑伯倭皇躬親庶政則馬島爵號等事從而釐正云廟堂以其叵測拒而不納誠得體也前日雲石趙公管廟務時曾有似此之事余援以言之曰以若無據之事請而順受則來憂無窮一番退却不害為懲毖之政矣

關異端

丙寅洋夷陷江都朝夕犯京上自朝廷下至閭巷舉



有主和之論石坡公書揭壁上曰洋夷侵犯非戰則和主和賣國自是和議寢息賊隨而退辛未又犯江都乃斷石刻十二字豎之通衢使彼我洞然皆知賊亦退去扶正闢邪達天地而不惑者也

琉球漂人

王考孝貞公按節錦營也余時陪往適見琉球國人漂到者作高髻挿一簪着狹袖斑綠周衣無袴襠也自言渠之官人髻挿兩簪搥傘騎馬云伊時取來者皆賤類也其人亦解吸烟而出一小竹桶色黑長可數寸以鐵一劃則火便起各人輪藝吸之以手覆之



火隨滅此或萬年燭之類也按三才圖會琉球官人  
騎馬握傘以是省之其言果符也無袷襠而只著周  
衣倭人亦然是其風土一般之致也

琉球太子詩

堯語難明桀服身臨難何暇訴蒼旻三良入穴人誰  
贖二子乘舟賊不仁骨暴沙場纏有草魂飛故國吊  
無親竹西樓下滔滔水應帶遺冤咽萬春外國詩之  
流入東國無幾而此詩人皆誦之在於三陟邑誌

壬申回還使臣

昔在壬申回還使臣卽曹公元大也時西賊據在宜



州城中衆議欲避路公曰不可直抵城下大路而行  
景耒大呼詬辱公按轡徐行佯若不聞歸告于副使  
曰不必由此路還其處事甚得中云先是公在燕館  
彼人已知我國有西亂之作而倅諱之交易畢後始  
使知之公慨歎不已及到涇城阻雨意欲留巡使鄭  
公晚鐫出見曰此雨足可為行役公歸語人曰巡使  
事是矣迫切則然也云

### 貴達馬劣

洪文直貴達位至三館性甚儉朴每騎款段而行路  
人指點曰貴達馬蓋慕其人而笑其馬也由是仍為



方言非惟駑馬之謂凡物之劣者亦稱貴達為後孫者亦不知取由隨衆稱之是可笑也

竹所虛文

金竹所光煜文章名於世而不得為文衡時人惜之見物之可愛而不得於用者輒稱竹所虛文蓋歎息之意也此說轉為煮粥浪用即其誤解也

穎樵惜邵亭

金穎樵嘗言于余曰吾欲傳文衡硯于金邵亭心內定之久矣不幸見卒此說屢出於僚席間邵亭雖死其名尚留到今思之完其名猶勝於參園也



互當問備

正廟臨朝諫長多有做錯承旨問備頻數上問之即於榻前承旨諫長相搃除授仍令傳啓俄者責備於人者反受其人之責是乃大聖人默運造化之工也余以承宣每於筵中見臺臣之有失常欲問備輒想是事而直之

上天造化

純祖初年眷注於徐公燾淳公乃眇少時也於筵中命徐公製律賦經山鄭公以承旨暗贊上燭之即進承旨鄭公退出未及闕門復除承旨一日召對鄭公



基善挾冊進階前上教以徐公搜入鄭公顏色不變  
徐而趨出經山常言其量也

跂及福相

哲宗戊午產室設廳也余以知申隨經山相公入侍  
見公奏對無非慶祝之辭雖知艷羨而跂望不得者  
也聖上辛未猥忝藥院都相之任仍舉鄭公已行之  
事公退之路謁公而說焉公亦含笑聽之

道退酬酌

余以藥院之任坤殿入診後同諸公坐於閣外領揆  
賴樵向余曰公於今雖為他相不得為之任後日世



子師則當讓於僕矣余笑曰師傳之職認以鐵限則未敢生意至於嘉禮正使我自任之蓋當產室設廳而藥院都相可為者獨推於余故用是相戲也金楓溪世均在座曰古有一大匡以其喪耦未參於慶禮之事自歎曰非我之咎即人之咎也蓋指賴樵而發也

### 內局紅蔘

余在藥院內殿湯劑以內下方文製進而當入紅蔘笑余稟曰本院所儲蔘料只有羅江之別而羅蔘進於大殿江蔘進於各殿所謂紅蔘元無等待之例矣



俄已近侍奉紅蓼而出乃內賜也蓋紅蓼本非緊需之劑故行用於閤巷而內局之用初有也

### 相劄座目

中書古規每時原任聯劄也其座目先舉時相次舉原任類樵金公獨為不然於是釐正一從相座先後書之雖愛舊式果為得體也

### 大臣初出仕節次

大臣初拜時自處以凡宰同即古例而出仕日詣闕也只乘平轎子至朝房受蕉扇見右位坐則必曲坐不敢橫竹及肅拜後賓廳始與諸相從座次一行坐



亦稱小生

館僮知例

政府錄事陪貳相入藝文館翰僮據古例推出而以  
其不從此辱之錄事訴於諸相之前賴樵祁堂兩公  
推余決之以余經翰林故也余則諉於貳相其亦舊  
史也時金台古均承政命入來見而笑曰此僮能知  
古例為可貴也余曰識例可貴而辱亦故事耶一座  
解頤

翰院許叅

余之被選翰林也右位金台世均欲為相戲迫余入



并俾觸先諱之意也沈台敬澤以別氣在座亦促之  
余曰右位令行雖其怕矣衣服當濕未之思耶蓋金  
台祖先諱是令行而沈台即宜復之子也于今金台  
以崇秩官吏判沈台已歸道山不無存沒之感矣

### 文臣捕將

哲廟朝捕將有關命兵判金賴漁炳國篆管及通奉  
兵也仍令察之特例也適有該廳查事賴漁判決如  
流校輩相顧而驚公笑曰武將如是裁處若等亦相  
顧而驚之乎時人服其不器之材也

### 文臣訓正



訓練正者武職中峻望也與蔭正等而文臣若經是  
銜則西班之爵亦無碍為之古規即然而其重擬於  
將薦也其規近廢惟獨於關廟奠酌禮時以文臣差  
出行大祝事而已

柳相戲言

余在完營也柳公厚祚時為長興倅偶值水考後十  
年余拜海伯受符也柳公以承宣行相揖禮余曰今  
公必為安岳守來也柳公冷笑曰苟我之為也又欲  
置下考乎荅曰若有失則豈其不然歷五年而柳公  
入相余忝右位逢於賓廳潁樵曰兩公問荅皆有氣



象之可見

趙生觀相

趙生善觀相者逸其名余族叔應教公啓善未科前推前程指筭路上一士人曰此儒為主文則可以為科其士人乃尹榕溪也後八年尹公為主文公果登科是日趙生來守公門聞喜而去今不知所終

升沈有定

在昔鄭靜窩民始為吏判也徐心齋龍輔時任銓郎也鄭公愛待之越十年復拜銓長問政于時相即徐公也笑曰閣下能記前日事乎徐公搖手曰惜哉是



問蓋其取言者氣像狹隘不得致位之謂也憲廟丁  
未賴樵金公以八格儒生入侍也趙暘谷鳳夏時為  
當品知中而登筵周旋後五六載金公登筵節次推  
遷歷文衡入閣為藥院都相又六七載復入藥院趙  
台尚居副提舉之任世事之變遷宦路之升沉從古  
然也

### 海東樂府

東國樂府朴齊家所製關西樂府城市全圖人皆誦  
傳至於申紫霞緯所撰小樂府四十首其竹謎曲曰  
人間百卉皆堪種惟竹生憎種不宜箭往不來長笛



怨最難畫出葉相思其蝴蝶青山曲曰白蝴蝶汝青  
山去黑蝶團飛共八山行行日暮花堪宿花薄情時  
葉宿還其碧溪水曲曰青山影裡碧溪水容易東去  
甫莫誇一到滄江難再見且留明月映婆娑其綠草  
清江馬曲曰茸茸綠草清江上老馬身閑謝轡銜奮  
首一鳴時向北夕陽無限意君心其冶春曲曰黃山  
谷裏蕩春光李白花枝手折將五柳村尋陶令宅葛  
中醺酒雨琅琅其落花流水曲曰睡失漁竿舞失簑  
白鷗休笑老人家溶溶綠浪春江水泛泛紅桃水上  
花其金爐香曲曰金爐香盡漏聲殘誰與橫陳聲夜



歡月上闌干斜影後打探人意暮來看

宿景陵齋室

戊辰秋上幸東陵經宿臣以景陵享官宿於齋室有  
詩曰己酉光陰二十年微臣陪享聖君前借宿一房  
仙寢近孤燈明滅不成眠宦跡筭來三十年絲毫無  
補後由前居然身在班之首一半糊塗未醒眠歸路  
見鄉奴負梅樹過馬峙嶺有吟曰晚策匹驢漢水濱  
何來梅樹若相親早春驛路踟躕客淡月林間邂逅  
人借葉貯香留後約謝塵踰嶺葆天真其將與我同  
寒暄爾亦明時已退身



仙樓名句

余於掌試之後轉入成都歷覽降仙樓思欲占句際  
見板上留黃江漢景源詩曰一極對一峯儘名作也  
蓋樓架之數應於巫山此句一出人為閣筆宜矣記  
昔正廟以金剛萬二千峯詩命諸臣應製楚亭朴齊  
家起句云住筇一日一峯頭百歲三分始一周上詡  
以奇才可與此句同傳矣

常棣恩會

余踰鐵嶺見一石碑刻以常棣恩會即李後翁為道  
伯也其伯兄忠正號及健齋以原任相奉審北陵同



會於此乃豎是碑云咸營有玉簫亭為伯氏建也及  
入境季公令妓女奉禮狀其辭曰惟公國之元老家  
有賢兄後翁季文獻晚秀號正廟賜號後因以為號

### 宣堂壯麗

南公履翼為北伯也以宣堂之頽圯改建之制度頗  
盛侈於前觀役未竣而因事徑通未得寢處而歸金  
石季公存秀代之廢而不居人問其故荅曰制置之  
壯擬於大內何敢入處過其堂必掩面南公則以公  
堂也故為重觀瞻而季公之言亦不無稍過寔所見  
之不同也



神室有聲

純祖朝開北道臣謂以永興本宮神位龕室有軋軋聲馳驛啓聞朝廷怪之舉荳溪朴公曰非此無以辨虛實差禮堂送之蓋公新通北伯故也及奉審也開門而入正堂廳板隨足動搖其聲應於龕室而然也公查得其狀請誅別差道臣命拿勘即南公也

古松復生

咸興本宮有太祖手植松逮龍蛇之變為倭奴所傷因而枯焉遺根於庭前忽然復生覆地如蓋巨觀也宮中藏御用笠子及弓矢等物



養研山房

翼廟在春卽時以養研山房四字賜紫霞老人乃於  
室後別建一亭而名之要余書其楣曰睿賜養研山  
房又作硯銘亦使余書之種以蒼松紫藤加之碧蘆  
後屢易主山房變為治產之室而松則掘去取侵根  
拔倒豎藤則厭於蔓迨已受斫伐惟蘆生於空閑處  
得其永年噫四十年来人物之變遷如是追想老人  
拈毫覓句之時不禁悵觸也

達人自銘

人之自銘固多而傳誦不置者惟雷淵南公有容之



作是已其詞曰在朝無奇節在家無異行不必請銘  
於人蓋公之清名直節推重當世而其題如是雖為  
自謙之辭誠達觀也

訥齋自銘

訥齋李弘準即宗準之弟也製自銘曰既無才又無  
德人而已生無爵死無名魂而已憂樂空毀譽息土  
而已

怪事添一

桐漁相公生平不參於人之宴會不與人盃酒團聚  
又無登覽之事其習性然也忽於一日連殺三賓治



濟勝具訪七松亭鎮日燕飲一在喧傳訝為異事時  
有公私取罕者兩件事好事者以公之燕遊添八補  
為三恠事也

士流諸公

古之士流余未能知而以今所睹叅之傳聞蔭奎進  
用之彥多有可稱者若鄭公文升金公東獻鄭公憲  
容節次推遷位登八座李公時敏李公綱愚亦躋亞  
卿而俱以老成宿儒見補於世至於柳公尋春金公  
晉教崔公璜或準職或超三品皆名實相符可為表  
準後生也



祁堂主文

庚午謁聖科祁堂洪公拜主文之命考試已畢上命進取考之券并置落軸更於餘券取之親考圻榜公進前奏曰臣雖無似既主文也聖上處置如是将謂臣不足信也臣何敢叅於考官之末手上辭謝不已後於講筵更以是事聖教懇摯公亦不敢復辭主文仰對在謂上下得體有光史筆也

大臣攝刈

上於辛未春親耕藉田及秋成也觀刈成命已下而因事未果遣大臣攝行禮也於是右相承命進去獻



九種之穀余管太常以其餘分於賴樵金公祁堂洪公及賴漁金公蓋賴樵伊時冢宰也賴漁耕耜使也祁堂攝刈大臣也余之所得猶可為數畝之種將與老農歌詠聖澤也

### 軍中拜將

軍中拜將昔聞其事今見其人即鎮撫使金善弼也以其謀略當洋擾時多有効勞朝廷補以將材為沁都中軍未幾特授鎮撫之任於是壁壘增彩士卒動色其辭䟽稱以拔之行伍一軍皆驚批旨若曰即其軍中拜為大將是乃不次故事也舉古榮之將軍即



遼東伯八世孫也

閣吏古例

心庵趙公入翰林使館僮傭下隸而據例不從公無聊而出壺山村公以藥院都相詣閣怒閣臣晚待命因下吏吏直前告曰受教之例閣吏雖大官不得因公亦無聊而止兩公事賸矣一書雲石相公更為進奏定式備局直因閣吏而閣臣之罪備吏言上後因之余適謁雲石公備道其詳曰君其知之未幾李僚埒在直不知裏許直因備吏雲石認以余而責言壓至旋為覺之摧謝不已先輩之愛待後進如是也



固辭美謚

易名之典用褒貶於其人之身後也所以節一惠而施之苟行蹟之可善也將加之以美謚賴樵語余曰故重臣姜公時永臨卒託於其從姪蘭馨者曰吾死後勿要美謚果後於謚坐欲加上等字其姪辭以遺教然則其人之賢勝於美謚也

儀仗相似

中國之皇帝儀衛與古迥異而惟儀仗則同於我國軍裝之樣儀物之狀別無參差想因唐宋舊例而然也辮髮挾袖揚鞭馳馬令人可哂而漢官威儀獨於



儀伏見之此物之不愛猶賢乎已也

### 大明象

漢成帝時有獻拜象者象之拜其來久矣我孝廟八  
燕過象園象見天子西跪見諸侯一跪象初欲跪兩  
膝驚跪一膝孝廟以有王氣故也此以見之非凡獸  
而余見大明象又見戲象園人使舞之惟意為戲隨  
其償銀之多少此亦世降俗末之致也

### 丹鳳吐詔

史有鳳詔之說而未知何謂咸豐皇帝登極時先大  
夫見之五鳳樓上時一丹色大鳳口含詔書而吐殿



頭官捧而讀之即我東之頒教也此乃貴飾威儀之具而年久色渝想是宋元傳來之物也

### 燕窩無味

中土美味盛稱桂虫燕窩蓋桂虫則見於漢史惟燕窩挽近所傳者也余於朝士家會飲供帳甚侈主人指一器湯曰是燕窩其味以淡為勝是南中瀕海處燕子泥群魚種合以作巢者也問桂虫則曰產於廣西云

### 花糕

武則天花朝令宮女採百花和米搗碎蒸糕曰花糕



寒食以麪為糕若蒸餅樣以棗拊之名棗糕東俗效之以蜜和米麪煎熬作楚辭曰糗吳謂膏環亦謂寒具

### 鄭募手才

正廟朝壯勇衛鄭濂辟完營幕造大廟長可尺餘無雕琢飾以青紙世稱濂廟古家往往有恩賜物

### 海帶

海面之苔水氣所生而可食者曰海藻海羅海藿而海帶無見於史東國方言也海藿婦人解脫作羹海帶東人所謂多士麻似藿而細長又曰昆布



蔓菁

月令廣義云蔓菁曰四時菜言四時可常具也非一名百歲菜可以為對中州有綠色紅色可珍也

烟草始末

王阮亭引姚露旅書謂烟草本名淡巴菰出呂宋國能辟瘴氣始於漳州莆田等地種之近則處處皆有唐詩云相思若烟草似唐時已有服之者王肱枕鋤菴瑣語云烟葉出閩中而邇人寒疾非此難治故至以一馬易一觔崇禎中禁之不得也我東則仁祖初始為盛行純祖初斗室沈公為箕伯擇好品葉量東



一兩名之曰兩草近日又有日草名色即監司日供之謂而味為上也蓋此物始自他國轉來而到今我東之品甲於天下然以其害者言之良田美土費於種草之址寶玉珍金糜於吸烟之具而其取為用不過衆人消閑之供物之無益莫此為甚而俗習成痼卒難療祛也余亦好之者也方吸而言之如是

### 雨前茶

燕市茶品不一必以雨前茶為貴穀雨前所採也茶市最大者惟瀋陽而瀋近北鄙部落明末權茶市補用於軍需其時胡人強盛茶費甚鉅明儒之言胡人



常喫糴酪故善飲茶湯蓋產於江南而貿遷則專靠於胡地此風未已今亦衙衙深谷舉有茶肆

### 承旨式暇

在院承旨欲為出去則每懸式暇由來久矣憲廟嘗教于政院曰課日式暇是何人何祭乎知申南圭齋奏曰承旨非病狀與式暇則無以出去故自前行此謬例上更不問之自是式暇之懸無碍也

### 文臣將任

憲廟丙午設內營也徐友蘭意溥為摠衛使此文臣拜將也一日值閏王廟秋節祭訓御將臣俱差享官



上為侈徐公之銜特命兼管兩營於是三處手旗一時並領觀者榮之

山林疏例

古者山林之疏八呈後批答久不下則令司謁微稟請旨雖或違於格例不得退却即敬禮儒賢視大官例也憲廟朝政院以山林疏之不書大年號不捧山林陳章為引曰臣於前後疏本不書清國年號今此承宣之以若執論苟謂解事則當之者能無違式之愧乎於是大臣奏以昧例請罷承旨居夙夜之任者不可不知也



參下文魚

文兼者文臣兼宣傳官也每以參上差除而曾經翰  
注者雖參下無碍備擬古規良然純祖朝一二諸公  
俱以參下為之是後更無繼焉今則唯認以參上窠  
而掌鈐注者亦不解政格之有無也

宣傳官廳烟臺

宣傳官之許參也以大烟臺燃草其臺大於鍾子曹  
司不堪其苦即鼻吸斗醋之意亦受教廳風也近日  
氣稟不能當之無異廢閣

太僕提舉



司僕都提舉是乃相臣窠而永安金公之拜也適值大臣進解之時以秩卑人差出所以陞為一提舉伊後豐恩趙公亦用其例為之時朴壺山為二提調將入閣前一日特旨許進若不進而入閣則座次有妨故也自是大臣國舅交相差除今則宗臣亦得為之也

### 進講召對

憲廟冲年嗣服開講稱曰勸講後改進講蓋其自下進詣勸勉之義又有召對稟請欲其提悟上意之舉也哲宗朝進講改為日講差出日講官逐日進講每



五日大臣亦為輪叅經山相公所建白也召對取票則羣議以為召接臣鄰惟在上意安用票請由是置之當子朝更設勸講進講而召對或票或不票

### 問備攜貳

金公銘以勸講閣臣登筵行膝結解洪永旨義錫按例請推諸論歧異翌日徐判樞俊輔叅講奏以昨者承宣舉措有閑事體反請問備而亦有攜貳之論蓋徐公所處為金公地則可笑然衣帶不整之察飭亦係院規是將何說以解之但於宗品老宰以此請推似過矣此等處須存斟酌也



廟宮門將

舊制廟社殿宮之享曾無門將只以衛卒守之金公復翼判騎省奏設門將以各營將官劃出而梱帥復歷者如帶軍銜則亦為之是役也為禁徇理之意也余每見名武之差役者輒說金公事業蓋其設始為重事體也當之者謂之事業不亦近於貳論哉

寧越神堂

寧越衙舍後有神堂奉端宗塑像也昇遐後即建者而士女崇奉每年仲夏具豐腆之需戶長為獻官享四日而止如有不淨之事災眚互至以是人不敢不



慎嗚呼君蒿致敬固其誠也而營邑不問四百年間  
恣行屑越之事事體則未安也

畫像見失

余攷家乘則益齋先生畫像嘗為見失子孫入燕奉  
來傳為訝異白沙先生像亦有是事蓋壬辰後中朝  
人願見公像求之鄭重一日公像忽然殆處莫能究  
其攸在後因卜者所推乃搜於燕卜而得之抑兩先  
生見重於上國為人所慕而致有是舉耶

記大明會

明季稗史有所謂照將錄蓋列書東林群賢而係以



天罡地煞之目其急時雨黑旋風等綽號一一懸錄  
擬諸水滸傳者也是乃崔阮輩誣辱揚左諸人以媚  
魏闕之計究厥心腸曾狗彘之不若矣大江以南尚  
傳東林之名有時具漢人簪履少長咸集稱曰大明  
會悲歌酒闌輒痛哭而散云人心之欽慕久而猶然  
余於燕市見我東冠帶之屬問其所需則曰用於大  
明會也

### 明末鳥

崇禎年間有鳥似燕非燕群集大明殿樑上欽天監  
謂之不吉使衛卒敲之不去愈逐愈集崇禎殉社後



謂之明亡鳥今明末鳥是也毋論彼我國惡此鳥來巢則輒逐之因為成俗不得接於村落多巢於山谷間

### 麋麇之辨

禮記月令至月麋角解康熙帝見麋五月亦解角甚恠之捕天下麋屬養于苑中而驗之惟麇角解麇者鹿屬長尾欲改月令旋置之三代典憲固未可更議然鹿麇之辨則於斯而判矣游觀金公見養鹿于溪上語之於余如此蓋我國之人知有鹿而不知有別種也



批文衡文

金穎樵主文苑也以取製頒教文相示余以手點批  
傍人曰文衡所作何可評品乎答曰此有所以也往  
在乙巳初冬余設庠製也其日即初三而值靈霏微  
乃以古人畫題之江南初冬欲靈時出題而穎樵魁  
解則是我所拔庠生也今雖立幟詞壇應讓一頭地  
吾何為不可聞者亦為之笑未幾余與金公次第八  
闋而常稱其事辛未孟冬又值初三之靈穎樵委書  
更道是事余轉及於祁堂以供話柄可為一時韵事  
也



覲禮為私

記昔先大夫為畿伯時余徃省之路歷謁經山相公  
先大夫已為來坐矣余先覲象君後拜主公公笑曰  
君之周旋非曰不當而至於朝廷之禮不可如是蓋  
私先於公有違官師之規故公之為言所以相警也

大官易病

權彞齋嘗於講筵請著眼鏡上許之後以眩氣為祟  
不可久伏之意仰奏上曰卿於在家時筋力為好而  
若對予則每道疾恙是何故也權公惶悚而退自是  
不敢言病憲廟常稱權相之無病由予之力也金孝



憲道喜拜相登筵憊甚不勝憲嘲笑曰平日康健之人苟為大官則輒發喘促何也大抵位愈高則病易生也而又況三事之地擔負為重者乎宜具眩喘之隨而侵尋也

### 賓聽戲談

辛未冬產室設廳時絳山相公以九旬元老特叅於候班衛士加額稱瑞筵退鄭公同潁樵祁堂會食賓聽余曰今日可謂伴食矣潁樵荅曰吾則素餐也

### 產室排設

產室排設正時前一刻藥院三提調齊待令醫官別



掌務官泛鐵官等詣交泰殿本院吏亦從焉時諸執  
事進房中廿四方位圖付之各該方又付當月圖及  
借地符俱朱紅書也仍於吉方先鋪菁草次菁席次  
白絞席次羊毛氈次油氈次白馬皮次細菁席又以  
多男鼠皮及梟絲置于馬皮之底而稍近上胎衣所  
安之方亦付朱書符醫官讀借地法符三次馬轡掛  
諸房壁臨產所執也銅鈴懸於廳軒有事則搖招醫  
官者也以若節次具載笏記上臨軒觀之諸人各自  
舉行而退其日當子八年辛未十月朔初七日甲子  
也都提調余也提調趙性教也副提調金元植也



三世產室舉行

國朝以來坤殿誕聖甚貴之事也產室舉行者以為至榮而況三世繼當者乎方顯宗辛丑明聖王后誕肅宗也清風國舅金公佑明為別八直純祖己巳純元王后誕翼宗也國舅後孫宗善以承宣舉行於陳賀時當子辛未元子誕降也承宣之孫元植以藥院副提調直於產廳事屬稀有

懸草之門

產室安排日泛鐵官按審方位定懸草之門而門頭挿釘垂紅纓待順悅後醫官即時請出蓆席以紅纓



懸于門楣至七日而還置廳上捲草官焚香祭告奉  
詣內資寺藏之公主則蒿席藏于內膳寺云祭告時  
不具饌品只設命銀一百兩命米一百斗命紬命絲  
等物而已

### 海馬石燕

海馬石燕嘗聞其名而未見之適以藥院之任產室  
舉行也得閱二物海馬則宛具馬樣而大於掌其色  
白石燕則形類於燕而色青小如粟俱以摧產之材  
需於臨時所握者而供唐種也各具一瓊綴以紅纓  
按笏記石燕則解悅而趁為放下以其遲則不便云



物理之不可解者有如是矣

懸鈴之辨

舊說產室廳之設也每於門楣懸金銀兩鈴誕生為男阿只則搖金鈴女阿只則搖銀鈴云世皆如是傳之及攷設娼節目則果為懸銅鈴而異於所傳矣蓋設廳後則醫官例為等候無時入診故每於指揮之際以鈴為警言使其八來者而誕生後鈴索御手親搖云

御真洗綃

壬申夏五月上奉審泰元殿太祖元宗兩朝御真新



本命諸臣入暗詢問舊本洗綃埋安之節賤臣對曰  
御真舊本之櫝奉與埋安皆有國朝典禮今此詢問  
出於經遠之慮臣何有他見而至於慶基殿本國初  
圖寫也五百年敬奉之餘遽然埋安極為難慎且奉  
詣之期尚遠廣詢未登這大臣處之恐好上卽命詢  
及未登這大臣

### 桐漁處事

桐漁李公榻前奏對之際帽子脫落凝然不愛招司  
謁使之拾著蓋手自取之則反欠動作故也公雖當  
急處雍容自若可仰也余於講席章服鮮細難以結



拾亦令司謁代為整頓講罷請罪曰臣於俄者有所  
失儀而承旨不相問備雖曰忠厚臣則焉敢無惶愧  
之心乎上笑而寬諭曰不如是則將何為之乎筵退  
諸公相謂曰此亦為相府故事也

石中玉盃

稗記云破巖石得玉盃解之者曰是乃開闢前物也  
以若強辭不必為辨想應置杯於石穴而年久付合  
成此異狀也記昔元時亦有此等事巖壑穴開中有  
一盃有題字是山高月小四字也蓋山高月小出於  
赤壁賦而東坡以前曾無是語則解者於此將何取



譬乎竊念宇宙間難以理推者比比有之則管窺之  
見存而勿論可也我東藍浦石色黑而潤供於硯材  
而或具山水花草等紋是亦難測之一端也

奢儉不同

經山相公家舍額地衣帶弊垢而戶外之簷屨錯雜  
駱西尚書臺榭軒敞表帷輕暖而門前之車駟駢闐  
西公俱為名卿推重當世然奢儉之不同如是也孝  
貞公嘗曰善之持身如寒素是士夫本色也元伯居  
家尚喧熱即宰相處地也然而其為優劣後當知之  
余幼時曾聞是教竊視之則果然也昔在宋朝冠裳



公性習於奢杜祁公躬行以儉而俱登宰樞名垂竹帛然究竟遭值否泰各異王考之言似鑑戒於此而發也

### 趙東海才遠

東海趙公琮鎮敏於科體無論某體成則輒書不問白之次第隨畢呈券大鳴於世更不聞如公才者也  
其人貢名

都下各貢中所謂其人者即供柴炭及炬而最古所設者也有班名人皆為之故只以其人稱之歲朝人國初皆為之不以所供之物定號也為之者嫌於露



出本色每變其名字而行之以至中古班名者廢却不為然朝家視之異於他貢變名之規于今各貢守而相傳其先生柴父名或有議政之啣者云

### 倉糶加耗

石林燕語唐明宗八倉觀受納主吏俱責其多取因訴主藏者破家竭產以償欠縮為是而然明宗乃詔自今石取二升為雀鼠耗所謂加耗者是也明宗知恤吏不知反隨其計中遂為民害五代史王章乃增一石輸二斗為省耗東國因為行之耗外有畢例別畢例兩西多有之筆債柴油債名色三南多有之其



俸奚特二斗也哉

漂人措處

哲廟辛亥異樣般漂到於湖南之羅州飛禽島語言  
不辨而以其有漢人故雖通文字猶不明言其所自  
之國用意叵測也般破難歸徙旱路願去余時按本  
道具由啓聞廟議依其願欲轉付燕京於是更啓曰  
不可使異國人見我山川又況乾隆朝入送此等人  
則中國亦不知其何許者故不受而還為出送徒煩  
往來而已到今事體不若許給般隻使之任自去就  
矣朝廷從之乃使任譯據理曉諭則其人乘我舟往



他處五六日之間借得快艍具載什物而去也當子  
辛未見公文則羅州可佳島又有異國艍之漂來者  
而事如辛亥仍依其例即為措處前事之為後據如  
是也

東國奉佛之始

高句驪小樹林王三年浮屠惠順來自符秦初伊佛  
蘭寺居之此海東佛教之始新羅法興王十二年沙  
門黑胡子自高句驪至此東土奉佛之始

洋人曆法

往在丙寅洋擾時得見渠之檄文則年月下日子書



以三十一日故甚恠之及閱中西象緯考而知彼人作曆初不計閏所餘日數分排於逐年朔日之下也豈如我法之置閏然後定四時成歲之為好也蓋彼人非不知閏月之為當而所以如是者似不歸重於授時之致也授時為王政之大者彼烏能知之然而泰西諸曆又各不同也

### 日月食

物理之可疑者無如日月蝕其次潮汐水日月之食以歷數推之遲速大小無毫忽之差則自有一定不易之理而春秋以前無日月食又有當食而不食者



何哉漢尚書黃香曰日蝕皆從西月食皆從東無上下中央者何也雜出諸書終未曉也

外國天文人入中國之始

外國人挾天文術數乞留中國依本教供養利瑪竇之前已有大慕閣開元七年吐火羅國王上表獻解天文人大慕閣曰請置一法堂依本教供養顧炎武曰此與利瑪竇天主堂相似而不得行於玄宗之時豈非其時在朝多有識之人哉按亭林此言其罪徐光啓諸人多矣

日曆



古有月令粹編十二朔三百六十日記歷代事出處  
近有日曆之成於鄉廬者倣粹編花山又出日史綱  
目記古今文人起草之日畧錄其文一日心庵歷訪  
故以是證之公曰古之事異於今之事皆以其意成  
之是亦可觀文字也甚贊之

### 夫婦同命

徐判書戴淳與其夫人洪氏共生於絀廟乙丑而月  
與日時俱同生平琴瑟和調室家之樂人莫及焉嘗  
以死亦共之相戲為誓年未秋公先卒翌月夫人繼  
逝而病證相似同時入地抑同命者鑑其願而特施



之歟如公夫婦可謂伉儷之誼自重也

入閣月日同符故相

正廟甲寅連山相國金公熹以北藩拜相卽六月二十  
二日也七月初八日交龜於宣化堂余於當子甲  
子亦在北藩六月十五日拜相而二十二日邸報至  
七月初六日擬為交龜而值而越八日退行於宣化  
堂金公未經而銓以原任直提學常居鄉廬而余亦  
如之

清國科獄案

咸豐時有科獄知貢奉栢後也後於南匪之亂屢建



大功上下之所倚毗者其罪亦非故犯而不得容貸  
竟至置辟咸豐之言曰朕於栢後事泣而斬之其立  
國規模推而可知蓋清祖後二百餘年科獄之設初  
有云

### 宣和牌

宣和牌即骨牌鴻書曰牙牌三十二扇共記二百二  
十七點以按星辰天牌二扇二十四點象天之二十  
四氣地牌二扇四點象地之東西南北人牌二扇十  
六點象人之仁義禮智人性之綱發為惻隱羞惡辭  
讓是非和牌二扇八點象太極元氣流行于八節之



間

座主門生

唐宋以來有座主門生之稱為重科舉而然也至於明清其誼尤講紀曉嵐名昀即四庫全書之後撰進提要者也文章才華冠冕一世乾隆朝厚被眷遇官協辦大學士嘗以禮部尚書屢典會圓所舉俱知名士由是半朝皆為門生每當祭日高車駟馬雲集門前云後孫令居正陽門外余八燕相逢則自言窮不能存然尚以先祖之力有顧盼者賴以契活詭之可謂筆耕之美庄也



熟習難變

洪祁堂八閤後每對余猶稱小人余亦屢呼其字與世彼此熟習之難改也余與祁堂同寮於摘文院自叅外共周旋于今老白首又伴食於中書可謂始終之契而知公者宜莫余若也

元老遊覽

敬獻金公思稷嘗於八十多歲上元踏橋王考孝貞公聞之促駕曰耄耋之丈猶有此舉老夫於此興亦不淺蓋王考八耆社有年也辛未秋余偷閒山榭經山相公就養南城還未浹日而不忘楓菊之賞孿子



弟數人訪我於平泉之庄酬公以綠野之樽可謂山中佳事而九旬元老能作登臨之遊平地神仙為公準備語也

益齋先生中

上下詢諸大臣畫像有無賤臣對曰小臣及領相有之右相無之上曰卿之畫像何樣出草乎領相曰以高麗冠制畫之即其傍祖李齊賢之本也上問其樣賤臣奏曰似唐巾又似蓮葉冠上曰其制甚古雅也

折風巾說

折風巾者東國之笠子也古則用陶後變為巾而折



前簷粧以鐵樞風吹則飄揚故補之也尤展成外國  
竹枝詞題高麗曰長衫廣袖折風巾者是也其制今  
無雖東人未之見也蓋巾與笠俱首飾之通稱然制  
度則相殊未可執一而論中土人所著者通謂以帽  
子寔抹額之名也

文武服色

古者文官外著貼裡則內著挾袖純廟朝稍變不用  
近日復舊武班則章服內恒著鐵甲故拜必有聲正  
廟為念其鈍擗以挾袖文臣烏帽下所著窄巾樣如  
帽而有頂層武官戰笠下著駿帽其制上尖下圓前



後無辨而至於私服一體用之文官之氅衣即團領裡拱也武官之周衣即狹袖樣子而挽近者氅通作文武之用非也

### 笏記

古者牙笏大可二三尺預錄所奏之事見而達之即所謂書思對命是已史曰象簡又曰霜簡今之笏記也近俗小其制大不滿六七寸非古制曾見白沙先生古笏長一尺五寸中古之制與大明初有異大明笏過三尺餘也

### 譏東人被裘



按表字古文作表從衣從毛古者以毛為表取其文章也五經要義曰著裘於內而以繒衣覆之乃加朝服朝會之時袒其朝服見裘裡覆衣謂之裼裼之言露可見之辭所以示美呈好而為飾加以朝服之謂褻褻裡謂之裼檀弓曾子龍衣裘子游裼裘是也獨天子祀天大裘不覆不反取其質也新序魏文侯出遊見反裘負芻者問之對曰愛其毛也今東俗不負芻而皆反裘甚可笑也惟煖帽煖額裘其毛

### 婦人服

東國婦人服非禮也新羅尚矣自高麗習於元俗俱



無足觀至於袴制皆着廣股袴用單袷純祖初年至  
亦如之五十年前有兩股袴其制倣迺祥袴蓋賤娼  
之所着而今則上下皆服先輩之憂歎也聞呂宋國  
盤髻施簪珥短衣長裙裙裏襯藤圈二三層云

### 上御軍服

軍服者是從軍之裝也雖文臣猶不屑焉況至尊乎  
在昔顯隆園常着軍服故正廟追慕之華城幸行時  
每服之嘗以軍服朝群臣於行宮相臣金煜進曰殿  
下此何服色也上大慚之其虞詩云馬上君王狹袖  
衣者是也今則幸行例用之所謂紅袖之飾俾騎馬



見慣其色無驚於懸馘之意而本僅數寸者今乃全袖襠之年前上教至有太長之教由於侈習也以至戰笠貝纓雀羽象毛俱有所屬而不知其義徒務華麗漸失其本將焉用之哉

笠纓有辨

古者貝纓之懸如戰笠纓貫大珠之條端垂額下者不過數寸豈原趙公始為右懸之飾靈城君倣而行之正廟以後其樣漸長過於肩上大異古規今則公私服之貝纓俱為廢閣又絲纓之式製用紗緞而長為尺餘廣不滿寸文蔭通用武人則無防限者為軍



裝也中古漸廣無辨近日以來為復舊制

纓綬之制

冠纓之以珠為者近復舊制下有垂或紅或青或紫或綠其色不一禮冠有綬者是也按諸侯續綬註尊者歸也疏曰士不得綬今尊卑皆綬非也禮書一組屬於笄順頭而下結之謂纓纓之垂者謂綬

中官牌綬

閹寺者是宮禁之奴隸故雖著章服本無角牌而只佩空綬古例即然挽近此輩漸無畏忌踰於法制者為多則豈牌綬之可論也哉記昔春山金公弘根拜



相登筵首戒於此奏請抑近習蓋素知大內事也其  
翌藥院日次諸璫俱去帶綬公之以嚴見憚可見也  
伊後寢不如前識者憂之今則老宦一二人外舉皆  
無綬想有自內飭教而此可為復舊規之一端也

### 靴子變通

古黑團領著黑靴時服用白靴正廟朝並用黑靴因  
時服內拱之以白為青故也靴子製規純以皮物為  
之後來則內韁以氈外匝青綿綰榜樣於靴丁之見  
外也宗品飾用錦綬尊之也近頒新制太祖所御製  
樣而類於水靴子



武官吊例

古則慰人之喪例着白笠即玄冠不吊之義也近世非公而國哀私而祥制不得用之至於武官之吊也用華服尹椿溪嘗曰其大人文獻公遭艱時見武官之未問者皆具貼裡紅帶故幼甚怪之及長始覺其意蓋公服外無他服色而然也近日所謂直領即貼裡之代者云

遼東伯辨

忠武公金應河之立懂深河也天子下詔褒美贈誥榮封世稱遼東伯者是也或以詔命體式之不類華



語致有譎言並其勲爵而疑之余嘗撰其誌文攷於  
皇詔其辭曰巡遠不死仙李無臣天祥不死屬緒無  
臣將軍不死寡人無臣或是使東國使臣代撰者耶  
竊惟將軍孤忠大節永有辭於天下後古則其所外  
至何有損益也哉以是正廟御製詩曰男子群名聞  
四夷遼東華誥海東姿深河老柳如人立知是將軍  
倚釭時大哉王言可為金石不朽之業也

題主字數

文忠公白沙先生主神之題也韓石峯漢書之而顯  
字特大傍人怪問則曰雖或改題顯字無闕故如是



而後人則更無能書此者至今仰瞻字畫分明燭下  
可辨果名手也蓋先生五次封勲故職銜之字多至  
百餘而三南體察使及諸道都元帥等銜雖為不載  
猶具然也聞梧里相公題字最多云其所兼六曹事  
盡書之歟

### 謹守制度

宋朝李文靖公沆在中書沉默厚重坐鎮澆俗嘗曰  
吾之相業非有他能惟不改朝廷法制因此以報國  
士大夫舉謂其言不切於事及後當軸者或不顧事  
勢或欲收恩譽變更舊制寔為亂階可勝言哉我國



規模類於宋室而歷世為相者俱能遵守不敢更張  
挽近善相之可稱者即南金陵李桐漁李希谷諸公  
是已

取捨各異

荳溪朴公素性不屑守宰雖雄州名邑每辭曰我不  
嫻字牧之事其品操如是丹臯李公鶴秀為安岳守  
嘗錄邑務幾條往質巡使宿於營邸連夜講習翌朝  
就議言下得諾自負而退點檢所言則尚漏一件乃  
歎曰吾嘗出入禁闥未能小心若是今為民事未免  
苟且之境古人之不為五斗屈者良有以也即棄官



而歸未幾拜嶺南伯翼廟賜詩曰七十一州觀察使  
四旬二歲亞卿人一古聳觀赴任半載遭彈見罷由  
此看之二公之事各是一道古人以出宰百里比之  
木猴蓋絕之也又云不鄙吏事視民如子是願之也  
然則何為而可莫如隨遇而處盡吾所當為而已

### 拱袖得號

金石李公以酒為命聞於一國先時大夫人慮其受  
傷乃取牛膈盛以諸酒而試之則肥於濁酒損於清  
酒壞於燒酒因是戒之命飲濁醪公於是引滿無節  
至與皂隸對酌不以為耻醉必拱袖行坐如之人以



袖手相公稱之鄉曲之士訪公之家嘗謂李八藏宅  
蓋八藏者是拱手之方言而認以為官銜也

### 海量會酌

希谷李公春山金公曹尚書鳳振洪尚書起癯性俱  
愛飲輪作酒會及其團坐脫巾祛襪各負一隅傳杯  
替肴終夜不止朝暾將上共飯糜粥而散竟席無所  
接話以是雌黃不到瓶甌已竭也李公尤為無量少  
時登科而應榜前日與其心友痛飲達宵天明赴闕  
晚退尋見則其人尚醉不起若如公者可稱海量矣

### 洪洲泉不飲稱愧



韓公晚裕考試春帖還家路上聞酒香猝入人家買酒痛飲無對酌者時一少年名士自外而入乃洪公淵泉也韓公欲與飲之洪公以不飲對韓公責之踈拙洪公平生恒稱當日之愧兩公之一飲一不飲皆可書也

### 燕京奇花

鄭忠憲弘溥自燕京移來凌霄花蔓生多年延于松間群芳譜所謂花紅可賞者也後承至今培護其種不絕金憲肅致仁亦自彼地得映山紅者種於堦上其高盈丈叢生花發紅光燭室人稱映山紅象其花



得為長年余亦屢見而其宅今作公廟不知花之下落也

南中棕櫚

嶺南相衙有一棕櫚長過數丈葉展如傘清陰可愛以其得土之宜也為武帥者輦致京中栽培數年終至萎枯見者惜之沈文肅亦有棕櫚芭蕉二種之老者植於嘉聲閣窓前長過屋簷見稱於世公逝後蕉則先敗櫚則屢為易主竟未知所在也

小蛙可怪

耆老所內有梅花一株久成古植蛙聲出於其中冬



閉春喧宋洞石壁隙開丈餘而小蛙隱伏有時出現者或二三箇或四五箇其數無常靡春靡秋長處其間不大不小其形如一人探而出諸地則即自上去伏在該處也余於少也曾一見之老人亦云其少時所見者如是也齊諧之志想由於此等事也

朋友相信

金栢谷得臣與朴文孝長遠交契甚密金公遭親喪家貧無以供祭祀朴公為方伯未別曰大祥需吾當盡辦以送蓋朴公平生未嘗違約負人金公信其言祥期迫近而不備一物朴公到營治送祭需適值霖



潦路阻金公渾家日苦待祥日屬宵而竟無消息皆  
以為朴公之欺金公獨不然曰世上豈有欺人朴長  
遠哉夜半有人果扣門祭需未矣此說尚傳於世可  
以徵戒於薄俗友道也

不留書札

東平尉鄭載崙性恭儉謹慎嘗作半間室積書冊於  
四隅其間只可容二人席處其中以接賓一人來則  
一人不得已起去蓋其意以為三人會話與甲酬酌  
之言乙必傳說於人也且與人往復之書必片片割  
裂衣纚以為繩曰多少說話不可煩人眼目也余平生



效此法凡人之短扎見即扯之恒以為式或有休紙之用無繫著之事也

### 五色臺官

甫廟朝黃某年老而拜諫官人譏之以五色臺諫謂其姓黃其職青其袍紅其髮白其心黑也近世所傳則與此小異其姓黃其闕青其面紅其人白其心黑謂之五色生員蓋倣於古之臺官也

### 善韜晦

金濯纓駟孫負才傲世苦請于其婦翁得十字文高聲讀之故使來客聞之其婦翁輒嘖蹙之金公讀畢



又携史略初卷上山寺一日抵書曰文王昌平武王  
發立周公朝召公奭太公望婦翁見而授諸地曰癡  
哉吾婿史略大文胡為謔送乎客有能文者曰令婿  
可謂文章士也昌平發立襪弊也言其朝夕望新製  
之未也於是始知為金公所瞞古之名碩抱器韜晦  
以待其時如此近世不然略具科體則曰文章也粗  
解吟詠則曰文學也不知文章與文學之為何等體  
段可發一笑

福相先知其後

鄭相國太和嘗指其夫人腹曰彼腹生壽富貴之子



豈不異哉其後子載岳年八十餘平稀壽也載崙以  
駙馬積貲累萬鉅富也載嵩官至議政極貴也公之  
先知已兆朕於指腹之日鄭門之華奕肇於是矣

見詩擇婿

李鵝溪山海常以泮長試士以陌上花為題有一試  
券文甚贍麗鵝溪歎賞不已至錢塘當日伯業開故  
國魚鹽三十州黃金堆屋斗量珠白日歌鍾喧玉樓  
等句鵝溪嘖嘖曰懷古之題有繁華氣像作此詩者  
必富貴乎遂置第一圻見乃李漢陰也時年十五鵝  
溪以女妻之蓋懷古詩多惆悵之語李公詩果帶繁



華像鵝溪之見未人可及

前後相倒

以前妻而祭後妻者呂相國之夫人也先及弟而後  
進士者姜履相之科也呂公聖齊初娶姜相碩期之  
女及姜相坐死於姜嬪獄呂公雖異更娶他妻後姜  
獄靈寃呂公還率與後妻同居後妻先死而前妻祭  
之姜履相登文科以違格拔榜後中司馬而復前科  
以前妻而祭後妻也先及弟而後進士之說互相為  
對尚傳於士友間

百梅堂事蹟



金清陰百梅堂詩曰手種寒梅樹年未百今多非開  
供鼎實自愛雲中看註曰同年金子雲別墅名仁龍  
云余先大夫巡部嶺南見是堂梅已作拱抱尚存

紅蓼之始

紫團蓼出於太行及蘭若山為天下寶純祖初濟府  
商賈林尚沃得白蓼一掬置之唾適溫水所漬乾於  
煖堞色變為紅持入燕京試問於彼人彼人大驚曰  
蜀蓼產於東國獲厚利明年蓼作紅蓼小小持入又  
明年亦然遂成巨僧名於兩國今則彼人買水蓼變  
作紅蓼並與白蓼而種之遍滿天下余聞於燕人則




曰非不知假紅而比白則無毒所以用之近日阿芙蓉盛行黃綠多買賣非但柵市為然豐長海上及關北市亦行賣皆余所目見也按中州人筆記百濟芙蓉有鬚者曰黃芙蓉高麗芙蓉近紫而亞於羅產

軟薑正果

全州鳳翔面產薑初秋採其軟者作正果為國中珍味金判書教根為完伯楓皋求之金公著力剪送楓皋以太晚責之金公追聞一吏先手工送欲杖殺之兩日之間請簡驟至曰早得此味亦監司之效也權吏之勝於官本來如此







白非不知假紅而江白則無毒所以用之近日阿美  
流氣行而綠多買者往往誤認市為地望長濱上及國  
拉市亦皆賣皆余所自見也按中川人筆記百濟美  
有精者曰黃美為法美宜禁而強於昭產  
執善正思  
金州風潮而產善切不飲其飲者作三美為國中環  
外金州所賣故標為完偽但集龍之金公善力贊遠理  
應似就現有之金公遂開一先身三送款故校之  
而金之開諸商錄至四半傳此美亦聖母之款也確  
元之勝於宜母美也



